


Wan laif wid dignity fi di raizal piipl

lina 1991 ih wehn diklier se dikrii 2762
fahn 1991 da kanstitushonal, dis dikrii
protek di kultural aidentity ahn garantii
wan laif wid dignity fi a di raizal piipl.



Territory

Sentens C-530 fahn 1993



Di Arkiipelago a San Andres, Providence ahn Ketlina, gat wa uovapapioleshan we de put di development a di hiuman komiunity dem we liv iina di dipartment iina dienja.

Di frajail infrastruktio iina di arkiipelago kyaan stan (ker) di amount a piipl we liv pan di ailant.



Das wai ih nesiseri fi adap wiez fi reguliet di raits fi sorkliet ahn fi kyahn stie iina di territory.



Di Arkiipelago gat wan spreshal laa (rejiim),
we bies pan di garantii a di prinsipl a iikuality
ahn di kultural aidentitty a di raizal piipl.



Wii raizal stap bii di majariti a
di papiolieshan iina di
Arkiipelago, so dat
Kompromaiz di kansorvieshan
a wi kultural patrimony.



Di Dikrii 2762 a 1991
wehn diklie az
kanstitushonal wid di
porpos fi protek di
aidentitty a di nietiv
komiunity, garantii di
raits fi a dignifai laif ahn,
prisorv di invayarmant
ahn risuorsiz a di
Arkiipelago.



We di Sentens C-530 fahn 1993 taak bout?

Di **Dikrii 2762 fahn 1991** ahn di Kanstitushan Sentens 530 fahn 1993, ratifai wi raits fi wan dignifai laif az raizal komiunity we liv iina di Arkipielago a San Andres, Providense ahn Ketlina.

Wid di regulieshan a sirkulieshan ahn residens fi di Kontinental piipl dem we baan outa di arkipielago, dem sluo dong di aselerietid demografik gruoit iina di ailant.

Di Arkipielago a San Andres, Providence ahn Ketlina da wan paradais iina di karibbean, dat da wai plenty piipl wida waan liv de, bot is impuortant fi mantien di balans iina di ekosistem dem if wi waan kansorv ih.

Wid di disishan fahn di Kanstitushonal Kuort dem de trai fi gi garantii tu di raizal piipl fan di Arkipielago fi get akses tu drinkabl wata, wahn surij sistem, di prapa triitment a di garbij ahn di wiest wata.

Wen dem diklier dis dikrii az kanstitushional dem de luk fi avaid fi di nietiv komiunity dem luuz de aidentiy, mitigiet di damij a di natural risuor, protek di vegetieshan ahn di welfier a di rijan.



Aktivitis

Demya aktivitiy de propuoz fi bii wan complement wid we rait dong iina di web piej www.derechosenelterritorio.com, ahn dis gat two objektiv; fi promuot di andastandin a di kansep dem we de iina di web piej ahn fi motiviet wi fi kansida bout dem.

Wen wi de taak bout etnik komiunity iina demya aktivitiy wi de inklud di etnik komiunity dem iina Colombia ahn dis inklud di indigenos piipl, di afocolombian piipl, di raizal ahn di palenkero (NARP) ahn di rom or jipsy piipl dem.

Chuus di rait ansa:

1 Wat da di riisn wehn fi dehn pronounse wid dikrii 2762 fahn 1991?

- Uova papiolieshan
- Saturietid infrastoktio
- Damij tu di natural risuosis
- Aal di ansa dem we menshan bifuor



2

Wish wan a di riisn dem wai dem kriet Dikrii 2782 a dem pronouns wid Sentens C-530 fahn 1993 no karek?

- Demografik density
- Di ris fi di fauna ahn flora fahn di rijan disapier
- Di laas a di kultural aidentiy fi di nietiv komiunity
- Frie development a personality

3

Wish wan a demia aspek ton di Arkipelago a San Andres Providence ahn ketlina iina wahn spreshal riijan?

- Di raizal koltio
- Ihn territorial expreshan
- Ihn flora ahn fauna
- Aal di ansa dem we menshan bifuor

Shier, investigiet ahn
mek wahn analaiz wid
ada piipl bout we yo
laan bout dis sentens:





Fi shier

Afta don riid bout Sentens T-599 fahn 2016 ansa di demya kwestian ahn tel ada piipl wid you on wod:

- ☉ Wat da kanstitushonal raits?
- ☉ Wat da wa revishan a kanstitushonality?



Fi investigiet

Akaadn tu we wi riid ahn de kansolt ada matirial, ada web piej, ada buk or ada piipl, ansa demya kwestian:

- ☉ Wat da di aktual siturieshan a di raizal piipl?
- ☉ Di kandishan dem we mek dehn kriet di dikrii 2762 stil eksis?
- ☉ Yo nuo ada plies iina Colombia wid wan spreshal laa (rejiim) fi kansorv di flora, fauna a di komiunity dem?



Fi mek wahn reflekshan

Komparte yo opiinian bout dis kwestian wid ada piipl ahn ansa:

- ☉ We wan colombian sitisn hafy du fi present wan kanstitushonal dimaan?
- ☉ We kain a impuortans di protekshan a di raits fi gat wan loaf wid dignity gat fi di etnik komiunity?



Ansa ahn aktivitis

- 1 Aal di ansa dem.
Dikrii 2762 fahn 1991 de luk fi kanchuol di di sppid we di papiolieshan de gruo wid dis de put di eksintant a di raizal piipl, di infrastruktio a di arkiipelago a ih natural risuors iina dienja.
- 2 Frii development a di personality.
Di riisn dem wai dem pronouns wid di dikrii da wehn di demografik (papiolieshan) density di risk fi di flora disapier an di fauna fahn di riijan ahn di lusin a di kultural aidentiy a di etnik komiunity dem.
- 3 Aal di ansa dem.
Di kandishan a spreshal rijan rait dong iina Artikal 310 fahn di Kanstitushan, wid di porpos fi garantii di raits fi laif, di koltio a di raizal piipl ahn di invayarment a di riijan.

If yo waan nuo muo bout dis tiim ahn di protekshan a yo raits, visit wi iina www.derechosenelterritorio.com.

